

房縣志卷二

山川

古者建邦設都必有名山大川以表一方之望故夏之禹貢周之職方西漢以來方域諸志舉嶽瀆陵津詳而書之者此也房居終南之麓爲漢江上游雖無名山大川而溪澗流清峯巒環翠奧窔幽深有謝客屐齒所不能盡者志山川

東泰山城東五里自北徂南迤邐數里爲城左屏障一峯

高聳頂平可容萬馬上有泰山廟松栢參差樓臺金碧

房縣志

卷二 山川

一

每雲淨天高徙倚瞻眺蒼翠欲滴西門北門諸河會歸  
縈帶經山麓以朝宗水影嵐光遙映城郭

播鼓臺有二城東十餘里羣嶺中此嶺獨高聳起一堡似  
臺形故名焉

米花山城東四十五里

香耳埡城東六十里上建觀音關帝廟同治元年帝君顯  
聖詳寺觀

五臺山城東六十里

見日山城東百里一作見石距青峯十五里

白巖三有城東七十里壁立千仞上有瀑布素練倒垂其一

在南一在西

青峯城東九十里一峯聳峙青翠欲滴尖如筆鋒曰文筆  
峯萬山環繞自秦蜀東來綿亘蜿蜒若斷若續而武當  
九溪五峯之勝踴躍奮迅隱見眉端松風有聲兩岸流  
泉潺潺鳴石罅間仰視天際清光一抹雲氣上蒸爲諸  
山之冠一名登仙峯峯之陽周尹吉甫祠墓在焉前有  
山如筆架名曰三尖山

倒驢山城東百一十里今名驢蹄嶺其陽驢蹄店俗傳張

房縣志

卷二山川

二

果老倒騎驢經此蹄跡宛然石上勢峭崿壁立萬丈如  
巨靈擘掌取道者每股慄焉近名狼頭坡

十盤山城東百四十里懸崖千仞駭人心目古徑曲折層  
疊其巔自西而上曰冲天舖環巔繞行十盤至八道河  
明薛綱房陵道中詩山外青山關外關重重天險絕後  
攀十盤山影浮雲上八渡泉聲亂石間草滿畚田燒後  
黑苔侵巒樹老來斑架崖多少  
留居者獨戀殊風忘却還

雞鳴山城東二百里一名雞公山咸豐八年飛蝗入境遍  
地皆蝗惟此山無

牛心山城東二百餘里一名牛心觀以上三山往省垣通

衢

二郎岡城西五里一名二龍岡山勢巋然聳秀與城東泰山蜿蜒拱峙俗呼二龍戲珠頂有二郎觀丹閣嵐影疊映西垣明孝廉向學讀書處山麓有丹朱塚

戚家山城西十里山勢平坦山下爲川陝通衢

鳳山城西二十里山形若鳳半山中唐時建有聖水觀

菱角山城西二十里孤峯秀峙似菱角形巔有窩堂可容數人

房山城西三十里四面石室如房縣以名焉山高險幽遠

房縣志

卷二 山川

三

周圍石壁嶙峋頂有崇貺廟一云崇祀廟又云房山廟相傳唐時建祀本州人或曰祀費仙也內有費長房仙室旁有鍊丹臺

抽籤堦城西三十里俗傳梁武帝覓誌公僧不遇抽茅心作籤卜至今茅無心

明月山城西三十里擁翠拖藍清光四澈如皓月臨空上有子規寺相傳誌公坐禪處有誌公巖旁有日崖月池湘溪嶺銷鳳橋龍泉寺山堦清泉一泓朔晦夜視月光常滿詳十景

諸葛山城西三十五里上有武侯廟頽圮多年今重建小廟

紅巖城西三十五里石山平坦上建關帝廟往四川陝西通衢

白巖城西三十餘里衆山叢中此巖向東特出內供關帝巖東龍泉寺西大寺南破巖寺三洞子

九室山城西四十里一名九寶一名爛柯輿地紀勝山下有九室唐置九室宮山巒層疊如牆如堂穿雲躡蹬而

上古木蒼翠天風清冷爲房域幽麗最竒處山多仙跡

房縣志

卷二山川

四

南數里有仙宮寺宋陳希夷修煉於此石基猶存太和山紀畧天柱西白雲峯爲希夷辟穀處凌虛巖有誦經臺九洞溝

漫子山城西四十餘里山石片段天成方圓曲折層臺如砌卽亂石窖

祇陀山城西五十里汪家河口孤峯秀峭雄鎮一方巔建祇陀寺山下小村石窪盤結地名古城里許有興龍橋

蓮花山城西五十里形如蓮

大邱山城西五十里

大埡山城西五十里山由四川入房西南迤邐至大埡折繞西北轉東爲房之北鄖縣之南均州穀城諸山過峽處徃四川通衢

赤兔坡城西五十里一作赤土土色皆赤山勢平坦徃竹山縣陝西之要道

章石山城西六十里徃四川通衢山勢最險上下二十餘里怪石纍纍曲徑折繞真有山從人面起雲傍馬頭生之概

獅子巖城西七十里石形如獅高數丈寬數丈山麓清泉

房縣志

卷二 山川

五

一曲稱黃龍洞禱雨輒應上有土城

羅家山城西七十五里

望佛山城西八十里高十餘里房邑萬山此山峙於西上建祖師廟半山有萬佛神像廟下水田十餘畝旁有生成石橋長三丈寬丈餘土人呼會仙橋一名萬佛山上修砦柵可容萬人下有龍洞二清流不絕左有地名穿洞兩山交合中夾一溪上爲坦途形似龍門

九峯山城西八十里土人皆架板屋居

龜山城西百一十里

蛇山城西百一十里

跌驢坡城

里近名得勝坡相傳張果老騎驢被跌

石有蹄跡嶺西竹山界往竹山通衢

清安山城西百二十里

秦王山城西百二十里秦白起屯兵於此

硃沙巖城西百三十里出硃沙

范家壩城西百八十里往四川通衢

瑤峯嶺城西二百五十里

九道梁城西三百六十里左有山梁九道卽唐時九焰山

房縣志

卷二山川

六

山南山北有薛家砦烏家砦

南山城南五里房萬山環列南山多且高此山橫亘蜿蜒

聳峙於南若城屏障因以名焉娟潔明秀出雲降雨陰

晴變態尤爲勝景其旁一峯孤秀巔有巨石方如印然

曰印山宋陳與義爲更名曰鳳凰山避金兵於此有詩

避兵連三年行中天四維但恨平生志未了少陵詩今年奔房城鐵馬背後馳造物亦惡劇脫命真毫釐向來

貪讀書閉戶生白髭豈知今土人呼爲鳳岡凝秀是也

大荒山城南六里一作大皇山

石門山城南七里兩山對峙其狀如門怪石崔峩古木青

蒼側有伽藍洞深不可測水從中出甘冽異常有石下

垂如渴驥奔泉

陳與義詩石門泄風無  
旦夜古木截道藏雷雨

定山城南七里宋吳曾漫錄房陵定山有朱仲子園三十  
六所李尤果賦三十六園朱仲李潘岳閒居賦房陵朱  
仲之李卽縹李也

玉屏山城南十里岑高頂平望如列障

卧虎山城南三十四里

穿峯巖有二南五十里石峯峻高千仞中有穿洞大數十  
圍隔山可見天日一去東南十餘里形勢彷彿

房縣志

卷二山川

七

驥板坡城南六十里有挂榜巖斗壁插霄橫列萬丈梯九  
十九級石棧勾連內羅城外羅城皆生成石壁峭削包  
絡完固東蒿坪水婉轉穿出或曰沮水非也

阜山城南百五十里左傳文公十六年成伐楚西南至阜  
山卽此按爾雅大陸曰阜說文大陸山無石釋名土山  
曰阜厚也房之南鄙羣山盤紆一峯嵒峩故謂之阜山  
道士壩城南二百里

古路壩城南二百里

青羊山城南二百四十里

凍冰山城南二百四十里山上有洞洞中水流出每遇夏時凝結成冰

古廟堦城南二百四十里

景山城南二百里一名阿山一名望夫山水經注高峯霞舉峻竦層雲山海經荆山之首曰景山金玉是出亦沮水之發源杜預云沮水出新城郡阿山左傳荆山爲九州之險志地者言荆山在南郡臨沮縣卽南漳西境而景山據其上游南臨興山東界保康雁北歸必經其上名雁塞山寰宇記房陵有三十五小溪三十四小山此房縣志

卷二山川

八

其一也有祖師廟滴水巖

奶子山城北六里旁有小奶子山

五將山城北七里

孤星山城北三十里一名雲臺山

連三坡城北二十里往鄖通衢

馬息山城北九十里有馬息古驛塘房去北數里爲馬嘶山

馬嘶山城北百里最高險馬陟其巔則嘶往鄖捷徑

黃竹山城北百里山竹色皆黃

紅巖城北百里西三十里俱有

青屏山城北百里

槲溪巖城北百里昔人避兵處

分水嶺城北百六十里嶺北鄖縣界徃鄖捷徑

鍾乳巖城北百餘里寰宇記縣產鍾乳巖水懸流下滴積

如冰筍色白似乳

望夫山城東南百二十里

建鼓山城東南二百里袁崧記登勾將山見馬鬣建鼓嶷

然天半華陽國志山水之難有馬鬣建鼓之阻元和郡

房縣志

卷二山川

九

國志建鼓與馬鬣相連冬夏積雪道志謂馬鬣勾將皆  
非縣屬特與建鼓頡頏

冷盤堖城東南二百一十里南界興山東界保康由北而  
上高三十里蠶叢之徑六七里南徃興山大路鄖鎮左  
營右哨千總衙署駐此

高墩山城東北八里近城東北之山惟此山特峙東泰山  
發源於此

堯子堖城東北六十里

元豹山城東北七十里譌名元寶

擂鼓臺城東北百一十里

茅箭山城東北百二十里

瑤峯嶺城東北二百五十里東界穀城北界均州

界牌壩城東北百三十里過壩卽均州界徃均州大路

香耳山城東北百餘里山嵐峻峭如大鵬垂翼有欲下未

下之勢澗溪聲出石罅間東界均州翠微絕頂武當勝

景歷歷在目山深樹老菌蠹叢生形似耳香馥可食鄖

房產此者多茲獨擅名

梨華山城西南四十里又有小梨花山西去十里

房縣志

卷二山川

十

曬穀嶺城西南五十里晨光未上此地先見曦影是日必

晴土人作息以此爲候

田家山城西南二百八十里

百戶巖城西南三百二十里

鷹子巖城西南三百六十里

洛陽山城西南四百六十里自九道梁南行轉東至洛陽

河羣山重沓爭竒莫能形其狀故名之河之陽爲東溪

山綿亘百里雲氣濛濛人烟寥寂河之右爲全寶坪西

十餘里平疇曠野有池九如窪如臼清泉不竭俗呼□

湖坪中一峯特起名嘯天龍折而南爲陰條嶺西南屬  
巫山東屬房縣巫山十二峯皆綿延秀峙茲山之下接  
四川大甯界

湖溪巖城西北十五里

黃龍山城西北七十里唐時稱黃羊山昔吳竒馬贊居此  
今有遺砦

羊子山城西北八十里橫亘如列屏怪石蹲踞如羣羊卧  
嶺故名又名楊子筑水所出高十里許兩端起巴山中  
一徑達郡城要道山趾溪流潺湲春夏雨漲則咫尺嘆

房縣志

卷二山川

十一

汪洋矣

通判仇昌祚詩路有羊腸險嶼皆下千峯人攀未還  
酣畫雨綠樹點春山衆壑鳥皆下

那堪行役裏翹首淚潺湲參議楊琚詩暮雨正濛濛山  
深絕人蹟薄言促奔走度嶺日西夕巍巍何其高去天  
不盈尺峯峻地位寒凍凌滿山白狂飈吹樹林亂落打  
頭額夫役欲避逃行程日促迫項馬下層巖石多蹊徑打  
窄雨暗天轉陰路迷不可索衆嘈驚虎鳴團欒聚跛躄  
旋擊古鏹火枯竹斯然藝紆徐出荆榛投宿居民宅坐  
定間追思茲行殊艱厄非不愛晏安君子  
事行役夫豈故劬勞要當盡忠赤

佛劍山城西北百四十里往鄖捷徑

板橋山城西北百五十里

佛洞城西七十五里一在西百一十里每四月八日土人  
演戲賽神

觀音洞城南十里層巒環峙林木蒼翳時而竒鳥棲鳴時而慶雲旋繞雖龍岡鳳嶺莫與京焉洞內有石穴罅莫知淺深微波淙淙其間雲馬飲泉誌公洗鉢遺跡俱在洞內關帝觀音神像洞外拜殿三重祈晴禱雨屢求屢應

白龍洞城西八十里之揚叉河境內半山流出瀑布其大如盤祈雨輒應嘉慶年知縣何在朝祈雨二次

老龍洞有二其一在城南百八十里陽日灣境北其洞口狹中濶有石床及香爐再入有石筍滑軟可愛折之出

則堅於石有潭極陰森人莫之近天旱禱雨輒應其一在緩家砦貢生鄢正榮有記邑東南百五十里外有緩家砦下數里卽老龍洞毗連保康境崇山合沓中一山聳起絕壁千仞下闕一洞去地尋丈洞門幽廠內則廣如夏屋地平如坻正中一石橫陳平整光潤狀如匡床左右石墜雁排井井有序再進則深而邃遼而曲須秉燭而行兩旁石壁具鳥獸花卉之象儼若繪畫昔有數人持炬深入欲窮其境乃爲深潭間隔遂返盖其潛龍也有年所矣每屆天旱遠近禱雨者輒應禱雨之時必

偕本地緩姓一二人往罵之大雨如注否則無應罵則曰爾妻我之姑爾處我之廬爾耕我田土爾不降甘雨爾旱我膏腴爾枉爲姑夫先是地有緩姓者世業農家頗饒育一女特秀出相者曰此女貌莊而神清不可偶以凡侶數相攸已許字矣厥後男皆夭殤女年十六七亦遂無復問名者逾年有童子年相若徒倚於門女父叩所自來自云談氏子孤貧無依願鬻身爲活計女父許之使飼牛牛肥使司雜務咸謹飭能當主人意女父喜甚因以女妻焉女父寢疾囑令兒輩分某莊田一所給姑婿兒漫應之乃以瘠地一分犂确多石不堪種植伊欣然受之無間旱澇每歲收穫反倍乎緩家之沃壤緩姓愈爲不平恒語侵之日爲不休乃一日夫婦亡去不知所往越數年緩姓有子弟從洞下過乃見其姑立洞門呼之進曰聞爾某姑將嫁矣是妹子所憐愛者贈一物以助奩妝勿輕視之接之乃一石沉堅如鐵其人攜歸遺女女得石忽作異香綉縕滿室藏之篋笥衣香經月不散且可療異疾女子歸攜至夫家遠近皆求之出重貲相購女更昂其值必數金而一分乃售女遂以

此致富焉或曰此龍涎香也

黃龍洞城南二百二十里在後山坪之西其洞內外有門入里許豁然高大平坦可容數千人二門峽深數丈有石床石枕石臺石磴天然其潭深莫測中有黃岡若龍卧鱗甲森然由岡而入則三門焉水聲沸騰若雷祈雨者戰兢而出不終而雨

五龍洞城南四十里

佛洞城南五十里在盤峪河

白馬洞城南百一十里在千家坪境內山石生成洞口橫

房縣志

卷二 山川

十四

直尺餘爲圓上可見天如月城形內可容數千人水由裏湧出避亂無憂

白龍洞城北五十里在北峪溝

邱家洞城西八十里與伽藍洞躲軍洞皆可避兵昔人遺跡甚多

車家洞城西南七十里內有水

三洞子城西四十里一連三洞或容五六十人或十餘人皆可避難惟無水不可久居其右母豬峽等處亦有洞一二百可避難

仙人洞城南十里內有石床石枕宛然仙跡

白蓮洞城西百八十里漳洛河上壩之南懸巖一洞洞口  
高大洞內深邃路逕曲折起迭有潭有橋石門層層寬  
窄不一咸豐六年漳洛河一帶居民避難於此被襄匪  
烟薰死者四百餘人

土洞子城西南百八十里

馬驚洞城西北百里

白馬洞城東九十里在青峯山下

神仙洞在城南山中壁立百仞不可攀援洞口方濶中有

房縣志

卷二 山川

十五

笙樂聲自山而下視之無所見後於大坪立泰山廟鎮  
之聲遂止

朝陽洞深百餘丈洞內有潭水不盈不竭黃金洞絕濶上  
右砦俱在南山

洞兒溝城南百四十里路險巖灣環十餘里峽峰峻嶒松  
色慘黯三洞各有瀑布若自天而下咸豐六年以兵亂

斷其路賊不能越

劉際平詩十里長岡路不平低頭陡  
向洞中行灣環曲徑稀人迹黯淡松

林絕鳥聲水勢千尋聽碎湃天光一線認分明  
自疑非避秦時亂暫借桃源作旅程

連環砦洞城南百四十里咸豐六年於洞內獲一物四足

兩翼翼生肘連首若鼠攷皇極經世云走之飛曰鱣  
殆卽此也洞上有石竹石笋旁有滴泉搏激成聲其東  
石壁卓然洞口又有石壁高數丈短松蔚翠如屏風又  
有將軍石竒特若人立左數里有四砦可容數十家  
茅山在冷盤堦東南數十里山峯嵯峨突出下有玉祖觀  
青雲砦興隆觀虎豹洞黃龍洞

沮水在東南二百里左傳江漢沮漳楚之望也水經沮水  
出漢中房陵縣淮水

淮當作維

酈道元注出東汶陽郡

沮陽縣西北景山卽荆山之首故淮南子曰沮出荆山

房縣志

卷二山川

十六

高誘云荆山在左馮翊懷德縣蓋以洛水有漆沮之名  
斯謬証耳按景山東爲保康西爲房縣沮水導源此山  
由縣南東流經保康歇馬河過螭螭溪保康舊爲房陵  
地故水經謂沮出房陵也自螭螭溪折而南經界牌嶺  
境繞南漳地曰馬良坪曰西坪曰重陽坪皆沮水所經  
南流爲潮水峽水至此一日一潮故名由是經臨沮縣  
西故城在今南漳南境盛宏之云稠木旁生凌空交合  
危巉傾崖恒有墜勢風泉傳響於青林之下巖猿流聲  
於白雲之上遊者常恐日不周玩情不給賞讀此使人

神遊八極信竒筆也又南過遠安入當陽與漳水會經枝江注於江謂之沮江夫沮水源流古今一轍自楚通志謂在縣南五里而土人乃指西門河以實之則誤矣水道提綱注在縣西稍南三百五十里其西爲陰條嶺其東南爲五林樹山

粉水城東北五十里述異記粉水出房陵永清谷一云永林山荊州記筑陽縣有粉水源出房陵縣取其水爲粉鮮潔異於錦水雍州記蕭何夫人於此漬粉皮日休野梅詩合傍蕭郎粉水開水經粉水出房陵東流過郢邑

獨石潭城東十五里潭在河側大石踞河中文餘形狀奇偉河流激繞潏洄潭終不滿河故多石此獨崑然土人謀欲開鑿以通舫艫不果寰宇記石崖阻隔不通舟楫殆指此

蓼花潭城東北百里潭有三第三潭深不可測岸旁陰崖蒙翳藤葛交橫林端飛瀑常如風雨靈怪出沒其中杜家潭城東二十里水深多魚每春秋丁日前官吏集漁者網魚以供祭祀今土人有養獺捕魚者

堵水城西北百八十里俗名斗河水經注堵水旁有別谿

岸側上色鮮黃相傳飲此水令人無病而壽一統志由房縣北境歷黃龍灘至花果園入鄖縣界按花果園有二東花果園距堵水二十里西花果園距堵水三十里俱有小溪不通舟楫其發源有三一西鄉三百六十里之陰峪河發源經水田坪九道梁白河口抵竹山官渡一西鄉百八十里之馬家溝發源經揚叉河獅子巖西流會東河長峪河經秦口抵竹山一由西鄉二百二十里之舉人坪發源經石板溪太平河出平口與陰峪河馬家溝諸水會於竹山爲堵河由竹山東經房縣西北

鄉化口磬口抵鄖入漢江

磬口河城西北百七十里與化口皆臨竹山筑水出斗河

人漢江下鄖陽卽堵水鄭參議吳建次磬口詩房陵天

荒烟壘嶂橫宵征聞虎嘯晚憩聽  
猿鳴草草勞人意何緣賦野鷹

大木廠河城西北百五十里東受五谷廟南受羊子山太

山舖紅廟河諸水西流至磬口入堵水焉

筑水寰宇記筑水在房州北東經永清縣南水經注杜預

以爲彭水也水出梁州新城郡魏昌縣界縣以黃初中

分房陵立其水導源筑山東流逕房縣南鄉一百八十

房縣志

卷二山川

十九

餘里受斗文溝諸水爲柏木河又東與巴豆園鐵樓溝

諸水會於博磨坪其流始大可通小舟東北過納門峽

安陽坪駝峪河臺口又北至珠藏洞與粉水合逕保康

縣穀城縣東入於沔謂之筑口應邵所謂筑水出房陵

東至筑陽卽穀城縣也水中有石挺出其下徵潭時有

見此石根如竹根而黃色見者多凶相與號爲受石西陽

雜記作承受石未詳筑水東逕筑陽縣故城南縣故楚附庸秦

平鄢郢立以爲縣王莽更名之曰宜禾也又竹山西□

里另有筑山筑水寰宇記筑水在房東北一云導□□

西羊子山未知孰是

蠻水卽夷水也水經水出房陵東流注沔酈道元注曰桓  
温父名夷故改曰蠻水導源中廬縣界康狼山山與荆  
山相鄰其東南流歷宜城西山謂之夷溪宋曾鞏長渠  
記荆及康狼楚之西山也水出二山之間春秋時爲鄢  
水楚屈瑕伐羅及鄢亂次以濟是也據此則水之下流  
爲鄢其發源處爲夷亦云蠻源出房保交界之景山逕  
保康界之司空山入南漳境又東逕宜城注於漢惟康  
狼山在中廬縣界當在今保漳交界處然舊志未載按

房縣志

卷二山川

二十

襄陽志蠻水西自房縣來逕司空山入南漳是司空山  
或卽康狼之更名歟又按蠻水與沮同源異流其水可  
染青碧色寰宇記譌蠻爲漫前志譌漫爲浸俱誤

王士正蠻

水詩萬里崎嶇入劍門夜郎南去瘴雲昏  
楚鄉今日經蠻水迴首蠻荒更愴魂

八渡河城東百八十里俗名八道河源出滴水巖志地家  
徃徃牴牾按是水導源城東北五十里滴水巖東流數  
十里統名八渡河一線弱流褰裳可涉迨逕余家店乃  
名余家河又過界牌埡繞穀城觀音堂經張朝舖又百  
里許趨石花街逕薤山北名古羊河至西河口與粉水

合流入里仁里注於漢此八渡河之源流也

維水導源維山華陽國志維水東入瀘注瀘字疑誤當作漢後漢地理志房陵維山維水出焉東至中廬入沔水又東過中廬縣東維水自房陵維山東流注之按中廬故縣在今南漳東北境居房縣之東南是維山在房縣南山中維水發源於此東流逕南漳縣界又東流注於漢常氏謂廬當作漢不知瀘卽中廬之誤矣按此水前志不載無從實指其源流且保康爲房縣分置維山在保而不在房姑記之以俟考焉

房縣志

卷二 山川

二十一

浸水源出王家山道志在縣城南源同沮水其水可染青碧色東流至穀城入漢

沔水水經注夷水又東南流與零水合零水卽沔水也或作汧作沔作汧俱非上通梁州沒陽縣之默城山其水東遶新城郡之沔鄉縣或作沔鄉俱非縣分房陵亦謂之沔水按明史稿沔鄉縣在房縣南水以縣名在今房縣南山中舊志未載或今古異名耳

西門河其源有二一曰東蒿坪經杜家川驥板坡兩河口一曰西蒿坪經穿峯巖至兩河口與東蒿水滙自是北

流經澈海堰至西門河數里許與西鄉諸水會於北門河

北門河其源流一由西鄉馬尾東經上達河一由西鄉汪家河東流經化龍堰至長望川與馬尾水會又東至紅巖子與三座菴以西諸水會出之湯峪河水會又東至軍馬舖與指北河會又東至下店子與西南鄉之三座菴以東諸水經盤峪河會又東十餘里與羊子山發源之羊峪河及高三溪之水會又東十餘里與西南發源之乾河七里河北鄉發源之唐溪溝會又數里至北門河

與西門河會及北鄉由吊橋發源之水由北鄉馬嘶山之劉家河東北鄉之包家河諸水至北門河會東流至珠藏洞入南河東流至穀城出筑口歸漢江

珠藏洞在邑東百四十里俗名豬藏洞洞踞北岸南岸界保康其地爲房邑門戶山之自西而東者蜿蜒奔赴聚結於此列屏排闥不可勝紀按房西北諸水統會於北門河是水西由王步河北由高棧東浪包家河南由小河繞縣西門又南由烏峪河經馬欄入三道河諸水會合過綠漪峽峽勢逼仄巨石橫亘灘流迅激汹汹出石

罅中至青峯過驢蹄店玉一作堤東南注珠藏洞下通穀城  
議者謂鑿通綠漪峽則舟可徑達縣北門然工費少貲  
且恐夏秋水漲仍有墮石壅蔽之虞是在留心水利者  
因勢乘便則利賴爲無窮矣

馬欄河城東三十里

三道河城東三十五里

烏峪河城東四十里有穿山堰懸巖峻嶺洪武年間鄉人  
開墾以地作田穿穴懸巖俾水得下灌今良田百畝人  
多殷實

房縣志

卷二 山川

二十三

斛口河城東六十里有官渡

樊家河城東六十里

張家河城東七十里

劉家河城東百里

臺口河城東百里逕保康出穀城與漢水合

雙瓶河城東百二十里河中二石對峙如瓶俗誤桑坪

榔峪河城東百三十里

沉峪河城東百七十里

易家河城東百八十里

張家河城東百八十里

余家河城東百九十里

長灘河城東百九十五里

七里河城西七里

乾河城西十里

黃龍潭城西十里每夏有虹於中取水

泉水河城西十五里

羊峪河城西二十里

盆峪河城西三十里一作盤峪

房縣志

卷二山川

二十四

軍馬河城西三十里

湯峪河城西三十六里有龍洞

郭家河城西四十里

指北河城西五十里

尙淌河城西五十里一作上達

葉家河城西六十里

東河城西九十里

汪家河城西九十里有黑龍洞

揚叉河城西百里

長峪河城西百里

秦口河城西百二十里世傳秦王屯兵於此

高唐河城西百三十里

霍水俗名漳洛河城西百八十里隋書地理志光遷有霍水輿地紀勝霍水導源自房陵至竹山玉口入堵河歸

鄖陽合漢江

化峪河城西百八十里

太平河城西二百八十里

鐵峪河城西二百四十里

房縣志

卷二山川

二十五

南規河城南二里

迎風河城南七十里

橫峪河城南九十里

鷓子河城南百二十里

舉場河城南百四十里

盤水河城南百八十里有八臺文光臺傍月臺及古塔觀音洞諸景

古水河城南百八十里

高橋河城南二百四十里

青羊河城南二百四十里

宋洛河城南二百四十里有五洞曰閃洞雷洞雨洞風洞  
冰洞相距二三十里許

冠木河城南二百四十里有文峯觀星臺鳳凰嶺黃龍洞  
十佳砦門戶山筆架山石將軍等景

裏潮河城南二百八十里

溫水河城西南三百六十里

洛陽河城西南四百六十里

鰕河城北一里

房縣志

卷二 山川

二十六

玉石河城北五里入北門河

高梘河城北六里入北門河

五龍口河城北十里卽西高梘中畝

王步河城北二十里

大石河城北三十里

沙溝河城北三十里

鮑家河城北四十里

劉家河城北八十里

梁家河城北百二十里

解家河城北百四十里

木瓜河城東南六十里

蛇峪河城東南九十里

白巖河城東南九十里

釣魚河城東北五十里

濫泥河城東北九十里自黃家堖西流至白窩村入粉水

小河城西南二十里

鱒魚河西南百二十里

化口河城西北百一十里水出化口入堵河

房縣志

卷二 山川

軍地河城西北百二十里源由羊子山出磬口入堵河

小湯池城東十里青崖山下水溫可浴灌田亦多宋洪邁

夷堅志泉中有硃砂

大湯池城東十五里土地嶺東山下四時常溫泉自石穴

流出始為兩池覆以亭浴之可已痼疾北流溉田數百

畝其稻較他處早半月宋陳與義詩暫出房陵道得觀

熱世言疏黃礦吾恐猶鑿說地脉或使然氣機有凝結

涇瀾無清期弱流不負篋此事竟茫然誰與精鑒別日

魄下塵使我心內潔安有華清池豔妃瀆疑血闕邑令我

起洪範嘉慶丙寅秋總戎呢玉亭正房邀花飲酒詩忽然

天談上雄辯將軍座盡驚才倒離人恍惚有難如追駿隨馬追風人逐靜電已時  
三行更雞鳴塵城外嘆卽問道宿霧來朝霞筆陣掃淺草未沒約驄温  
馬蹄一望湯池流皓皓超然如磅對浴沂晨浴砂泉涌轉似  
春温坐卧移時心志適然衣如對浴沂晨浴砂泉涌轉似  
奮躍丹楓白雲鏗然憂玉聲將軍之盡風迴珠光而嘯玉晶吟觴  
籌錯泉乎泉乎鏗然憂玉聲將軍之盡風迴珠光而嘯玉晶吟觴  
來對此泛金玉堂乃浴湯池有人感詩出山呼乃知泉清路人亦  
清對邑令金玉堂乃浴湯池有人感詩出山呼乃知泉清路人亦  
中落日留我住山上白雲僧懶顧樹前卽可學白雲仙自我  
欲携雲雲不去滿地白雲僧懶顧樹前卽可學白雲仙自我  
笑多爲名所誤翻身跳入温池洗盡胸中塵垢處此  
泉湯沸起何年誰能執熱機一露揚清激濁滿池中木  
自無心人自悟謹將紅旆引山頭廻詩兩句中餘詳十景  
白雲布出山泉濁在山清臨行贈君詩兩句中餘詳十景

鹽池城東六十里水鹹似鹽非眞鹽也按房鹽向係仰給

房縣志

卷二 山川

二十八

兩淮房山澗多惡水食之易生癭瘤惟食淮鹽可愈近  
今山中不知此害頭頸多有生癭瘤者舊志特書鹽  
池恐耳食者謂有鹺利因附誌之

洗龍池城西南二百八十里後山坪高氏馬產駒數月卧  
地不起有過客以重價求市舁池中洗之四蹄鱗甲燦  
然體亦暴長乘之而去

滿月池城西北三十里龍泉寺後山詳明月山

泉水灣西關二里繞岸百餘家花柳映帶泉眼數十孔鬢  
沸澄清可汲可引灌田甚多

龍泉城西北四十里龍泉寺巖洞中石窟一方石龍盤其上泉自龍口泛出汲之不竭禱雨輒應

牛角池城南三百六十里

蓮花池城南隅梳粧臺下秋冬不竭菱芡盈池

竹修池在望佛山左高十餘里山頂有池雍正間一道人結茅菴於此坐靜三年後不知所終

紅峪城西七十里

小峪城西七十里

倉峪城西八十里

房縣志

卷二 山川

二十九

鑿塢城西百里

鈔塢城西南百四十里

絞塢城北七十里

犬塢城西北五里

頭道溝城東二十里

七里溝城西十里

黑戰溝城西十二里

三溪溝城西三十里

恨水溝城西三十里

黃白溝城西百三十里

大黃溝城南十里

沙溝城南十五里

木家溝城南七十里

魏家溝城南二百八十里

廟兒溝城南三百六十里

唐溪溝城北八里

北峪溝城北三十里

麋子溝城西南四百四十里

房縣志

卷二 山川

三十

紅石溝城西南四百八十里遍地石皆紅色

水利

房邑山多水少既不若湖海之富魚鹽又不若長江大河可以通舟楫烏有所謂利哉雖然水無大小貴視地之所宜而利導之鄖屬六邑惟房猶號裕米之鄉而稻田灌溉惟恃塘堰巖溜山溪源流不遠秋霖夏潦衝沒尤多苟非蓄瀦有備分洩得宜何以收其利而不受其害耶至鑿井汲泉冬湯夏水尤爲日用所資亦水利之一端也併附之志水利

東

小湯池堰城東六里

大湯池堰城東十五里

馬欄堰城東三十里

鑿溪堰城東八里志稿作擢箕堰

西

三官堰城西西門外

西河堰城西西關外

泉水灣堰城西西關北二里

房縣志

卷二

水利

三十一

許家堰城西十五里

傅家堰城西十八里

耕麥堰城西二十里

向家堰城西二十里

楊家堰城西二十里

梅子堰城西二十里

百戶堰城西二十里志稿作白湖

傅劉堰城西二十二里

高堰小堰城西二十五里

何家堰城西二十八里

菜堰城西二十五里

宋渠堰城西二十六里

牛頭堰城西三十里

盆峪堰城西三十里

石渠堰城西三十里

車家堰城西三十里

尹家堰城西三十里

軍馬堰城西三十五里

房縣志

卷二 水利

三十二

堰河堰城西三十五里

東方堰城西三十五里一名東川堰

長望堰城西四十里

西川堰城西四十里

化龍堰城西五十里

吊規堰城西八十里

南

沿觀堰城南五里今添腰堰

白土堰城南十里分上中下

板堰城南十二里分上中下

杜溪堰城南十五里

澈海堰城南十五里一名三海眼水出山口成潭底有海眼三明都御史王世貞澈海堰斗門碑記房陵朱衣上記都御史幕府言邑故房州遷入地四塞無商賈之羨其民依樵採而食所出薄不足以供恒苦飢而獨邑南有稻田萬餘畝號爲肥饒其所受水出滴水巖灌溉以時則收倍他田而其地凡三畝中下畝以次而受上畝之水  
上畝以次而制中下畝之命水凡見遏而不下則

房縣志

卷二 水利

三十三

弗敢播旁泄而他注之則弗敢播而下畝亦時能竊其  
□使上中畝立涸以故恒蓄爭其爭能互爲害而不能  
自爲利日者令以行部至田所得其狀仍行屬鄉之三  
老周天祿堰長王詔趙曦韓勇金鳳鳴詹恩鄭文元廖  
楚畏戢安國督民之獲田利者以次受職俾環畝而瀦  
之無使旁泄自上而中而下至堰口鑿石爲斗門大者  
三小者三十有五中爲關七十餘上溢則版以障之下  
洞則啟以洩之凡爲條石之以丈計者二千五百五十  
五爲柱者四百四十有四爲槽者十有五役工至三千

三百三十而爲賦帑金僅六百餘因與守畝者約下畝當受水而不予水者罰在上畝不當予水而撒其水者罰在下畝其民皆稽顙聽約束無敢犯但令遷徙無常久或忽怠不以時飭治恐奸民起而修一旦之忿破壞成業坐自失計而訾於上願得幕府一言勒石而樹之通衢以示永久都御史曰善乃爲銘曰周有稻人掌稼下地瀦防溝遂以迨列澮揚芟作田旱澇有備惟此山邑罕覲其利引流下輸建瓴斯易比於桔槔厥逸蕝倍門此三畝以時啟閉房南穰穰民靡虞歲爰戒來者無

怠成事貢生趙岫如記邑西南平川十五里山開岸濶無田不水最上則有澈澥堰澈澥者徧滿之義也然是水之出於山口甚狹仰則峻嶺崇山近則石門壁立有聲自谷中來者如驟雨疾風從空而降昔人所謂澈澥晴雷是也又名之曰三海堰水之在谷也本東注而山口北轉堰適承之其波迴浪激處有似海眼者三或曰二眼出水一眼入水城東十五里溫泉之出水卽此眼之入水也往來者由石巖之半轉折而過俯視下臨不啻貝闕龍宮近在咫尺且距堰不半里有龍廟焉面堰

口而居榜曰碧晶宮渠水遶其南大河在其北規模宏壯臺閣巍然歷數百年於茲矣顧其殿楹連抱父老嘗相述曰此當年馬桑木也殆猶蒿之爲宮柱洵非近今所有也又殿有龍像二一泥一水昔傳斯木逐水而來不逐水而下下之則復上土人異之刻爲龍像惟肖凡有禱求無不靈應祈報賽會居民畢集古云水不在深有龍則靈而況斯湧溢者其源不竭灌溉者其養不窮哉

陳家腰堰城南二十里

房縣志

卷二

水利

三十五

石槽堰城南百二十里

北

火龍堰城北五里

五龍堰城北十里

長龍堰城北十里

活龍堰城北十里

唐溪堰城北十里一作鼉溪堰

瑪瑙堰城北十里

石堰城北十五里

白窩堰城北二十里

高梘堰城北二十里

低梘堰城北二十里

穿山堰城北五十里堰口有田二坵計種一石陳氏姑嫂  
並耕盡力插禾一日殆遍至今猶傳此田爲姑嫂田

長樂堰城北六十里

復興堰城北七十里

以上各堰或七八百石種或五六百石種或百餘石種  
皆係順河之大小閘水以灌之也

房縣志

卷二 水利

三十六

凡國土之冊以報上者無不皆以畝數言之也而房邑  
之買賣田產不言畝而獨載石斗種數者蓋以他地言  
畝者不過上中下三等而房之田有河溝塞水旱地有  
平漫岡陡雜各五等且多有借山水而灌溉者有修鑿  
土塘以蓄灌者有見彼山山洞有水從下截流就上順  
山形而越翻岡嶺爲渠者此可見北鄉之穿山堰有因  
石泉而梳流者水勢有高低鑿田有層磴卽大畝之田  
莫不有曲灣凸凹朝衝淤而夕鑿改之形且中多崖多  
石以及或坑或隴不齊碍難丈量是以祇以現在田地

之石斗種數載契買賣不可以載畝數此亦因地制宜之道也約其一畝之數合市斗四升合倉斗六升七合之數然民之耕斯田也春則修堰挑渠夏則紮水趕水戴月冒雨無敢稍息勞亦甚矣所以得其盡力於田畝者惟在司牧者無違其時能知民間疾苦耳

井

八角琉璃井按城內東南鐵佛寺碑志寺原唐盧陵王宮殿故址處井一口係盧陵王時鑿井口八角俱琉璃石修砌成故名居民汲之有年至康熙三十八年井內忽

房縣志

卷二 水利

三十七

有惡物不知何怪汲水者輒被吸入因以土石填之井水暴溢遍城湧深數尺知縣董雱因思鐵能制水怪惟眞武職司治水以鐵鑄像坐於井上鎮之名爲鐵佛寺自是不爲患若天欲雨則聞眞武座下有潮聲今更萬壽宮潮聲不復聞

十字街井其水味美日汲不息

俗傳盧陵王子歿此封爲龍王

文公祠井西街祠後

土地廟井丁字街廟前

城隍廟井

捕廳署井在署前

武聖廟井

西門內井在門內南

城內共井三十餘口他井未志

板倒井在城東二里許不甚深四季水常滿溢騰出渠中

灌田較他渠水獨清夏日飲寒如冰今涸

惠感寺井在西關卽今西寺

江西萬壽宮井在西關一名江西館一名萬壽宮

老關帝廟井在西關

房縣志

卷二

水利

三十八

他井弗志